

須教濟度金書卷

一百一之



御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃庶	魚鼈咸若	家戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年十月十一日	



靈寶領教濟度金書卷之一百一

一百二一百三同卷

坐

洞微高士開光救苦真人甯金真授

靈寶通玄弘教水南先生林靈真編

科儀立成品明真齋

早朝行道儀

燒香頌

各禮師存念如法

衛靈呪



青陽虛映耀日回靈神虎辟邪飛天流鈴  
摧奸滅試萬魔束形九微回道八威攝精

千真校錄 三元蕩清 左嘯中黃 右策六丁  
七轉八合 周旋天經 聖化巍巍 三道順行  
慶雲流布 合景黃庭和與道合真

鳴法鼓二十四通

發爐

坐

無上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝關啓玄壇天帝神君當召此間  
土地里域真官正神急上關啓臣今奉爲入

齋意其諸情悃具載狀文以今早朝陞壇行道願得

玉清道炁靈寶妙先下降流入臣等身中令臣所啓之誠速達徑御

太上元極大道至真玉皇上帝御前

請稱法位

具位奉行九幽玉匱明真大齋事小兆臣某與臨壇官衆等謹同誠上啓

虛无自然元始天尊无極大道太上道君太上老君高上玉皇十方已得道大聖衆至真

諸君丈人三十二天帝君玉虛上帝玉帝大帝東華南極西靈北真玄都玉京金闕七寶瓊臺紫微上官靈寶至真明皇道君三十六部尊經玄中大法師上相上宰上保上傳太平下教二十四真人西城總真王君太乙真人東嶽上卿司命茅君定錄保命二真人名山洞府得道神仙三界官屬一切真靈臣聞清微御混芒之運五劫流光赤明開溟滓之圖三乘布化煥萬天之慧日扇九地之仁風鳳篆龍章錯落十華而耀彩赤書玉字昭回

八角以垂芒保制群魔裁成庶類生死悉歸  
於主宰乾坤孰外於陶鎔臣等億劫良因兆  
齡慶運膺圖御錄未明玄妙之傳綰綬佩符  
莫究希夷之趣盍附煙霞而高蹈尚縈塵土  
以卑棲磨蟻迴旋隙駒倏忽念丹青炳誓已  
堅濟度之初忱而金石徼盟敢叛承宣之終  
志凡有投告合爲關聞具有心詞謹當敷奏

宣詞

按如詞言丹忱激切臣聞陽光煥赫清都儼  
仙聖之居陰暗淒涼黑壤號鬼神之宅織業

機於六洞張罪網於九幽苦海茫茫誰駕慈  
航於彼岸昏衢寂寂孰操慧燭於窮途嗟扣  
地以何因雖籲天而莫及人所憫者帝亦憐  
之今齋主某宿劫以來稟生之後業塵流浪  
惡障紛紜愆書五靈之簡編百身莫贖過紀

生一

三

三元之簿籙四大已離夜壑幽深冥關寂寞  
非由提獎曷遂超凌爰皈命於玄穹僭孚心  
於紫禁紋繒效信金璧投誠按威儀以告齋  
遵典章而謝過龍符赫奕願回從欲之門鶴  
馭羅敷疾指登真之路善功所被



帝渥無疆以今清旦陞壇行道請法衆等運  
茲初捻上香

願此香煙騰空徑上供養

无上至真道寶臣等皈身皈神皈命五體投  
地仰依

太上三尊願以是功德上祝

宗祧先靈社稷尊聖伏願凝真太極策景上  
清八鑾暢金闕之輿九鳳啓琳宮之駕衍璇  
源於地久延寶曆以天長

皇帝御政紫宸垂衣丹表八冥並福朝宗接

武於堯疆五嶽齊齡拱極飯心於禹跡車書  
萬里夷夏一家儲宮稟經聖之姿王畿被同  
仁之化椒房佐政四德輝華槐屋論恩百工  
熙洽共贊太和之運益恢泰定之風今故燒  
香自皈依

師尊大聖衆至真之德得道之後保天長存  
和與道合真

以今清旦陞壇行道請法衆等運茲二捻上  
香

願此香煙騰空徑上供養

无上至真經寶臣等皈身皈神皈命五體投地仰依

太上三尊願以是功德歸流齋主家億曾萬祖歷劫種親一性虛明千冤解釋南陵受鍊蠲萬劫之根塵東井澄清淘多生之業垢遊

坐一

神芝圃高步騫林永垂蔭於後昆克流芳於家慶齋主某天開壽域地闢福基萬里春融閑鎖壺中之日月一簾風靜永恬戶外之波瀾膺朱軒紫蓋之華享皓首厖眉之樂詩書世澤文獻家聲今故燒香自皈依

師尊大聖衆至真之德得道之後升入无形  
和與道合真

以今清旦陞壇行道請法衆等運茲三捻上  
香

願此香煙騰空徑上供養

无上至真師寶臣等皈身皈神皈命五體投  
地仰依

太上三尊願以是功德歸流臣等師文先靈  
道俗往逝化機自息神景交融雲馭凌空登

瓊房而問道風軒汎景升瑤圃以棲具遊宴

太虛逍遙无極已往翱翔於聖澤見存覆蔭  
於天休淨八萬四千之塵埃金華定錄圓一  
千二百之戒行玉籍標名善及九幽均沾一  
視五道息轉輪之苦三塗免考對之寃動植  
飛潛俱沾德雨蛸翹蝓蠢悉被慈風今故燒  
香自皈依

坐一

五

師尊大聖衆至真之德得道之後長享自然  
和與道合真

禮方

懺方

三啓

樂法以為妻

愛經如珠玉

持戒制六情

念道遣所欲

澹泊正氣停

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

又

大道洞玄虛

有念無不契

煉質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

虛无自然元始天尊无極大道太上道君太  
上老君高上玉皇十方已得道大聖衆至真  
諸君丈人三十二天帝君玉虛上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六

生一

六

部尊經玄中大法師上相上宰上保上傳太  
平下教二十四真人西城總真王君太乙真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
除罪簿滅惡根寶黍恩周於三界入福門散



窄對香林仁洽於九幽肇弘藥笈之金科丕  
演玉堂之玄範日星有赫寒庭噓駘蕩之春  
雨露無私幽夜沐涵濡之澤再念亡故某六  
情結釁五賊構非毒根烜赫以焚和天和蕩  
失業力飄揚而逞僞人僞滋萌心田之定水  
自波性海之靈光易混是非顛倒人我躋拔  
致南昌落丹簡之名而北鬱鬱紀黑編之字三  
彭肆志二豎乘危遂展轉於畏途倏沉淪於  
幽域極目條章之日皎驚心威令之風行匪  
上叩於天關曷下開於地戶是以聿嚴蓬宇

恪罄葵衷遵玉匱以告齋輶紫霄而錫慶願  
矜丹悃曲軫素衷玉敕頒恩身心口之宿緣  
雲散金書度命去來今之業對冰清債訟消  
平注殃和釋形神俱妙超朱火以證真衣食  
自然詣丹陵而鍊質永超溟漠徑陟虛无齋

坐二

七

主某五福攸寧百祥萃止藹祥煙於春序溢  
紫炁於門庭蘭桂齊芳椿松益固齋功所及  
慶澤均覃更顯高厚清寧儀璘煥耀星宿輝  
潤風雨調和六炁熙平八表應金穰之瑞三  
靈昭晏四時宣玉燭之和萬國歸仁九圍慕

義隴畝遂謳歌之樂要荒絕烽燧之憂谷汲  
山棲登真悟道雲耕月釣見性迴光下周九  
地之沉靈旁及四生之含識普垂化化各保  
生生則上明

天尊大慈之花下副臣等皈命之誠謹啓以  
聞

發願

一念爲道四大合德齋主七世父母免脫憂  
苦上升天堂衣食自然

二念帝王國主道化興隆庠序濟濟皇教恢

弘威儀翼翼普天所瞻民稱太平四夷賓  
伏杖惡自滅賢聖日生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念損已布施道士及飢寒者天下人民各  
得其所

七念蠕動跂行一切衆生成蒙成就

八念赦賞前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度一  
切剋獲上仙白日登天拜見太上永成真  
人雲車羽駕和與道合真

存神燒香

生一

香官使者左右龍虎君侍香諸靈官當令臣  
清旦陞壇行道之所自然生金液丹碧芝英  
百靈衆真交會在此香火爐前令臣學道得  
道求仙得仙齋主受福幽顯沾恩十方仙童  
玉女侍衛香烟傳臣向來所啓之誠速達徑

御

太上无極大道至真玉皇上帝御前

出堂頌

回靜默

謝師

向來頌

靈寶領教濟度金書卷之一百

靈寶領教濟度金書卷之一百二

洞微高士開光救苦真人竊金真授

靈寶通玄弘教水南先生林靈真編

科儀立成品明真齋

午朝行道儀

燒香頌

坐一

各禮師存念如法

衛靈

丹靈朱火 炎霞激風 赤輪剛運 天光八衝

迸威包羅 交變萬方 流金豁落 群魔滅蹤

辟奸破袂明耀元功 金符召制躡雲乘龍  
謠歌慶會散花太空 神化冥運四極安隆  
伏御帝前罔有不恭和與道合真

鳴法鼓二十四通

發爐

無上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝真符直日香官各三十二人  
出出者嚴裝關啓玄壇天帝神君當召此間  
土地里域真官正神急上關啓臣今奉爲入



齋意其諸情悃具載狀文以今臨午陞壇行道願得

玉清道炁靈寶妙光下降流入臣等身中令臣所啓之誠速達徑御

太上无極大道至真玉皇上帝御前

請稱法位

具位奉行九幽玉匱明真大齋事臣某與臨壇官衆等謹同誠上啓

虛无自然元始天尊无極大道太上道君太上老君高上玉皇十方已得道大聖衆至真

諸君丈人三十二天帝君玉虛上帝玉帝太  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上傳太  
平下教二十四真人西城總真王君太乙真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
紫陽開雲錦之藏金書啓運碧落示黍珠之  
妙玉字呈祥慈雲垂蔭於群靈教雨沾濡於  
庶品陰陽動靜包羅神炁之中天地方圓囊

坐一

十

括元功之內道函无極化洽有生爲彼岸之  
津梁實迷途之徑路臣等宿生餘慶億劫良  
基佩天靈神鳳牒之篇夤緣師授秉玄元始  
龍函之錄負荷身修宜抗志於幽林乃遊心  
於陸海功無塵露過有淵陵青律森羅尚涵  
濡於  
帝渥玄恩覆燾盍參贊於天工庶積微勛小  
裨大教凡有投告敢不上聞具有青詞謹當  
敷奏

宣詞

按如詞言備殫忱切臣聞九幽科品昭因緣  
罪福之門三錄威儀備懺謝齋修之格皆

帝真開光於夜府俾形神乘景於朝陽朔單  
鬱絕之鄉仁風披拂潤澤網維之境惠露昭  
回凡皈命以投誠悉登真而離苦今齋主某

生一

十一

仰慮亡故某業山萬仞愆海千尋南宮無紀  
善之編北都鼓書愆之筆一真顛倒百體飄  
揚冥冥九署之凄迷戚戚三途之輪轉匪由  
帝力曷復天根爰依玉匱之金科肅建瑤壇  
之寶範香花鬱勃繒練敷羅上祈九色之神

輝下燭八冥之鬼趣拔出地戶願度命於朱  
陵無拘天門即升神於碧落普天同慶與  
道合真

以今臨午陞壇行道請法衆等運茲初捻上  
香

願此香煙騰空徑上供養

无上至真道寶臣等皈身皈神皈命五體投  
地仰依

太上三尊願以是功德上祝

社稷尊靈宗祧先聖栖真

皇極證品虛無翠葆珠幢陪萬聖朝元之駕  
金枝玉葉衍千齡御運之期

皇帝舜日齊明堯雲廣覆御飛龍而立極福  
比滄溟執大象以御天壽躋華嶽八表拱

皇極之圖九圍

帝祚之長內掖徽柔儲宮仁孝麟趾鎮盤石  
之勢虎符堅帶礪之盟中外協心邇遐慕化  
今故燒香自皈依

師尊大聖衆至真之德得道之後保天長存  
和與道合真

以今臨午陞壇行道請法衆等運茲二捻上  
香  
願此香煙騰空徑上供養

无上至真經寶臣等皈身皈神皈命五體投  
地仰依

坐一

十二

太上三尊願以是功德歸流齋主家九玄七  
祖億劫種親覺地虛明慧源澄寂悟本來之  
面目澡濯塵根還固有之形神超凌道岸藥  
簡注上生之字芝圖紀落死之名殃注消愆  
雲仍襲慶齋主某龜臺錫羨鳳曆增齡道炁

扶搖電掃千災於動止靈光赫奕雲臻萬福  
於家庭七葉連榮五符介祉今故燒香自皈  
依  
師尊大聖衆至真之德得道之後升入無形  
和與道合真

以今臨午陞壇行道請法衆等運茲三捻上  
香

願此香煙騰空徑上供養

无上至真師寶臣等皈身皈神皈命五體投

地仰依



太上三尊願以是功德歸流臣等師友先亡  
道俗往逝靈元觀妙冲漠升真駮鶴駕於瑤  
京充悅玄味翼鸞輿於紫闕餐聽法音永證  
无爲長辭有漏見存眷屬均被甄陶漱玉液  
以延年咽金丹而駐景萬邪掃蕩衆妙匡扶  
聖一  
九夜三途煥陽光而轉燭四生六道超陰暗  
以飛仙普天鼓舞於恩波極地謳歌於德政  
今故燒香自皈依

師尊大聖衆至真之德得道之後長享自然  
和與道合真

禮方

穢方

命魔

步虛

控轡適十方

旋憇玄景阿

仰觀劫仞臺

俯盼紫雲羅

逍遙太上京

相與坐蓮花

積學為真人

恬然榮衛和

永享無期壽

萬春奚足多

又

大道師玄寂

昇仙友无英

公子度靈符

太乙捧洞章

舍利耀金姿

龍駕倏來迎

天尊盼雲輿

飄飄乘虛翔

香花若飛雪

氛靄茂玄梁

頭腦禮金闕

攜手邀玉京

又

騫樹圓景園

煥爛七寶林

天獸三百名

獅子巨萬尋

飛龍躑躅吟

神鳳應節鳴

靈風扇奇花

清香散人衿

自无高仙才

為能耽此心

三啓

樂法以為妻

愛經如珠玉

持戒制六情

念道遣所欲

澹泊正氣停

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

又

十一

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某與臨壇官衆等謹同誠上啓

虛无自然元始天尊无極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上傳太  
平下教二十四真人西城總真王君太乙真  
人東嶽上卿司命茅君定錄保命二真人名

生一

十五

山洞府得道神仙三界官屬一切真靈臣聞  
清微布化敷七部以統天赤明開圖鎮五篇  
而育物萬帝授度生之錄三元敷起死之恩  
永為九幽玉匱之章實貫三洞琅函之典香  
林園內昭上智啓請之勤長夜府中條下愚

善惡之報鞀鼓有契影響无遺再念亡故某  
覺地昏迷性天蒙昧六塵六入毒根流注於  
生前十習十交報障沉淪於身後百二十曹  
水火之錄三十六壘考對之司慘慘寒庭寥  
寥幽域形墮三途之苦惱神歸五道之輪迴  
惟覺驚心誰伸援手非賴

天恩之下覆曷令地魄之高躋是以恭啓玄  
壇惠祈洪鑒企清都而注想瞻玉禁以馳神  
願運洪慈俯矜丹悃普告三界衛魂受鍊以  
成人歷關諸天滅惡斬根而度死地除簡對

水絕盟言遊觀七寶之林肆覲九光之座寃  
愆永釋注訟無連齋主某六氣風清萬災雲  
散松椿茂壺天之旦芝蘭衍福地之春九五  
箕疇宴樂永符於志願十三義象經營悉副  
於心期民欲克從天沐滋至上願天圖朗晏  
地紀安平經緯昭融風雲靜默五兵偃戢萬  
邦沐仁壽之風百穀豐盈四海極

聖明之治圖書煥瑞文範同疆林壑棲真疾  
證六通之妙煙霞味道早符萬行之圓冥漠  
幽沉飛潛動植均被甄陶之澤夙超輪轉之



機一切有情同登道岸則上明

天尊大慈之化下副齋主皈命之誠謹啓以  
聞

發願

一願大道淡泊虛无安閑空寂澄清自居廣

生一

十六

開法門教導頑夫皆蒙惠澤精苦是修預  
以同學普得升虛與天相保長存無憂

二願諸天結炁澄清高虛廣覆保真固靈氣  
候調節四運和平國安民豐普天閑寧廣  
濟一切惠逮有生保劫長存億劫不傾

三願土地覆載無窮安平不陷海淪不崩保  
鎮家國兆民興從養生安死惠同十方禾  
稼滋植營運日豐咸得厚載萬類皆從

四願日月二景高明无有字蝕虧盈安清光  
照諸天洞消暗暝保固劫運世祚和平普  
加潤惠澤洒衆生

五願星辰與日月齊光轉燭照耀映朗十方  
各安其位經緯直行保鎮家國無有災傷  
四海寧一普天興昌

六願四時隨節推遷景炁和調無有災患疫

毒消滅普天安平五穀豐熟國富民權

七願浮雲結炁聚煙飛空高澄蔭覆玄玄隱  
則无爲散則彌天神仙同歸結友衆眞惠  
流一切興國愛民普濟群生人同劫年

八願風雨流洒無窮普加施泄受其發揚萬

物滋生國儲民豐

坐一

十七

九願五嶽各安其方巍巍包藏長爲仙宮安  
鎮國祚保天無終護度一切莫不仰宗

十願江海蕩蕩无極含容恢廓无細不植淵  
奧柔惠潤加蠕息天人獲慶年同劫石

十一願帝王國主日昌四鎮安睦兵革不揚  
天人歌唱吉應來翔敷教濟濟威化洋洋  
兆庶稱慶長樂未央

十二願螽飛蠶動已生未生成蒙安全普得  
生成皆見元氣受陽之形草木果林經冬  
不零一切濟度靡不鮮榮和與道合真

存神燒香

香官使者左右龍虎君侍香諸靈官當令臣  
午朝行道之所自然生金液丹碧芝英百靈  
衆真交會在此香火爐前令臣學道得道求

仙得仙齋主受福幽顯沾恩十方仙童玉女  
侍衛香煙傳臣向來所啓之誠速達徑御  
太上无極大道至真玉皇上帝御前

出堂頌

回靜默堂

謝師

靈寶領教濟度金書卷之一百二

靈寶領教濟度金書卷之一百三

洞微高七開光救苦真人竄金真授

靈寶通玄弘教水南先生林靈真編

科儀立成品明真齋

晚朝行道儀

坐一

燒香頌

各禮師存念如法

衛靈

五星高照 瑞炁飛浮 元始集神 天地交周

玉符寶節 嘯命微幽 擲火揚威 奸兇無留

萬魔振伏 紛葩卻消 摧怪伐惡 道炁周流  
神光照夜 陰翳俱收 萬仙降格 翕景乘颺  
群生咸遂 惠遍神州 和與道合 真

鳴法鼓二十四通

發爐

無上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝闕啓玄壇天帝神君當召此間  
土地里域真官正神臣今奉爲入意其諸情

烟具載狀文以今晚朝陞壇行道願得玉清  
道炁靈寶妙光下降流入臣等身中令臣所  
啓之誠速達徑御

太上无極大道至真玉皇上帝御前

請稱職位

坐一

十九

具位奉行九幽玉匱明真大齋事小兆臣某  
與臨壇官衆等謹同誠上啓

虚无自然元始天尊无極大道太上道君太  
上老君高上玉皇十方已得道大聖衆至真  
諸君丈人三十二天帝君玉虛上帝玉帝大



帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上保上傳太  
平下教二十四真人西城總真王君太乙真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
無色無淵祖炁妙凝於混沌成形成象真精  
煥落於洪濛因五太以開圖奠三靈而立極  
道尊元始光明洞輔之中教演虛皇化育堪  
輿之表無文不度有感斯通臣等運際慶期

緣逢福會膺九清之玉牒佩三洞之瓊書結  
友雲扃未符高步承流塵路徒嘆陸沉藉師  
寶之相攜感

帝恩之下燭尚寬玄責猶服真乘惟金科昭  
贊於仁風度人是切而玉律扶持於化日濟

物爲先凡有皈投敢忘關奏況奉詞旨敢不  
上聞

宣詞

按如詞言理宜拯濟臣聞三界上雲層峩峩  
強名道本九壘下風輪混混不覩陽光分六

洞以握化機贊三元而裁政柄香林詣座宣  
九幽報對之瓊章龍岬臨軒揚三籙威儀之  
寶典妙哉化育大矣生成凡切切以皈投必  
昭昭而度命今齋主某仰慮亡故某劫終劫  
始宿垢周遭身後身前客塵浩蕩徇四大假  
合之質冒三元生一禁戒之章口語心生人非鬼  
責未落北艷之罪簿曷登南上之仙名亶賴  
天恩庶寬地禁庸潔玄壇而事

帝恭依黃律以登齋奉玉幣於十華散金花  
於五界願垂睿覽申衍蕃釐敕制地祇有護

衛送迎之喜超凌福舍無拘留逼合之憂廣  
及際蟠溥沾利益以今落景陞壇行道請法  
衆運茲初捻上香

願此香雲騰空徑上供養

无上至真道寶臣等皈身皈神皈命首體投

地仰依

太上三尊願以是功德上祝

社稷尊靈宗祧先聖遊神紫極汎景玄虛蔭  
芝蓋以凝真密扶

聖祚躡蓮臺而縱步垂佑神孫

皇帝鳳曆開祥龜圖昭瑞御八駿而問道翠  
葆清塵乘六龍以御天珠旒聽政震索燦珠  
星之彩坤儀昭璧月之輝麟閣書勲緝熙  
帝載虎垣贊化丕闡

皇靈衍百世於本支式九圍於泰定今故燒

坐一

二十一

香自皈依

師尊大聖衆至真之德得道之後保天長存  
和與道合真

以今落景陞壇行道請法衆等運茲二捻上  
香

願此香雲騰空徑上供養

无上至真經寶臣等皈身皈神皈命首體投  
地仰依

太上三尊願以是功德歸流齋主家九玄七  
祖億劫種親受化朱丹削愆黑鬱脫水火陰  
陽之對榮領天祺絕胞胎結節之根永綿家  
慶登瑤臺而遊宴詣瓊圃以逍遙衣食自然  
形神俱妙齋主某爲善最樂與道合真潤屋  
潤身衍實桂莊椿之樂學詩學禮茂庭蘭澗  
藻之華百順凝增千災散釋今故燒香自皈

依

師尊大聖而永至真之德得道之後升入無形  
和與道合其具

以今落景以壇行道請法衆等運茲三捻上  
香

願此香雲映空徑上供養

无上至真師寶臣等皈身皈神皈命首體投  
地仰依

太上三尊願以是功德歸流臣等師友先亡  
道俗往逝慧源昭朗覺海澄清浴神流火之

庭雲網旋躡蔭質明霞之館天步高躋見在  
宗親俱沾善利沐靈輝而保命漱瓊醴以留  
形五道三途承陽輝陰靈而變鍊八紘九極  
膺玉符金液以薰陶飛潛離化化之機動植  
遂生生之性無邊含識普入大乘今故燒香  
生一  
自皈依  
師尊大聖衆至真之德得道之後長享自然  
和與道合真

禮方

懺方

三啓



樂法以為妻

愛經如珠玉

持戒制六情

念道遣所欲

澹泊正氣停

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪升

七祖生天堂

我身白日騰

又

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經 靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行九幽玉匱明真大齋事小兆臣某

與臨壇官衆等謹同誠上啓

齋事心此

虛无自然元始天尊无極大道太上道君太  
上老君高上玉皇十方已得道大聖衆至真  
諸君丈人三十二天帝君玉虛上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上傳太  
平下教二十四真人西城總真王君太乙真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞

道函萬象玄雲混洞於清微教出三乘慧月  
流明於靈寶瓊闕儼飛天之御華堂嚴曲禁  
之藏因啓請以開光遂傳宗而導運金科錯  
落玉篆昭明爲生死之津梁實幽明之柱石  
再念七故某无始以來稟形之後波情海欲

失精粹之生根道貌天形遂紛華之障業目  
眩黼黻耳蕩宮商鼻貪馨馥之香舌慕珍甘  
之味身耽綺麗性溺繁奢迷清靜於六塵陷  
希夷於千苦形歸厚土愆書五帝之曹神掩  
重陰過紀三元之府非由解釋曷脫羈維是

以崇建玄壇敷陳素悃瑤鐘壁磬引梵唱以  
虛徐玉佩珠璫耀仙儀而璀璨紫宸日近黃  
道雲開願鑒映於齋功俯開明於幽路降東  
華亢龍之符命申錫天光削北鬱六洞之簡  
書超凌地暗升形神於空界度魂識於仙鄉

坐一

二十四

冤訟消除注殃散滅垂蔭奕葉流福雲仍齋  
主某厄難波澄禎祥川至門庭多暇樂青春  
白日之閑親族增榮介綠鬢朱顏之喜祖玄  
超度孫子流芳均保合於泰和益茂隆於眉  
壽上願三光朗晏六氣和平四極雍熙九圍

昭著五山鎮地配六府味平四越載熙成國  
皇祚以齊齡八海浮天比素味益滋創公骨  
聖躬而介福華夷拱極文軌朝宗穀稼豐盈  
樂堯天於畎亩干戈偃戢熙舜日於寰瀛文  
明昌泰定之期絃歌樂可封之俗陽輝布德  
陰域同仁冥曹峻陟於仙階苦爽超登於道  
境林林庶品蠢蠢群靈均承曠蕩之恩共福  
生成之祉則上明  
天尊之化下副齋主皈命之誠謹啓以聞

一願大道流行普天懷德

二願一切有生咸皆悟道

三願九夜幽魂一時解脫

四願孤爽無依咸得受生

五願天下太平五穀豐熟

坐一

六願臣忠子孝君仁父慈

七願四海會同冤親和釋

八願潛胞處卵咸得生成

九願積疾新痾旋即痊愈

十願孤露衆生豐衣足食

十願存神燒香  
香官使者左右龍虎君侍香諸靈官當令臣  
晚朝行道之所自然生金液丹碧芝英百靈  
衆真交會在此香火爐前令臣學道得道求  
仙得仙齋主受福幽顯沾恩十方仙童玉女  
侍衛香煙傳臣向來所啓之誠速達徑御  
太上无極大道至真玉皇上帝御前

出堂頌

下壇

回靜默



靈寶領教濟度金書卷之一百三共



